

Ա Յ Գ Ե Կ Ո Ւ Թ

(ՀՍԽՀ Հողծովխամատի հրահանգը՝ խաղաղի բերմանավաճի յե/ նրա
տեխնիկական վերամշակման ժամանակ կարուսների դեմ պայքար
կազմակերպելու մասին)



634.8

Ա-59

24 SEP 2011

ԱՅԳԵ - ԳԻՆԵԳՈՐԾԱԿԱՆ ԳԻՏԱ - ՀԵՏԱԶՈՏԱԿԱՆ ԶՈՆԱԼ ԿԱՅԱՆ

Մասայական սերիա

Գրակ 18

634.8
Ա-596

48

Ա Յ Գ Ե Կ Ո Ւ Թ

(ՀՍԽՀ Հոգժուկումասի հրահանգը՝ խաղողի բերահավաքի յեկ նրա սեխնիկական վերամտակման ժամանակ կորուստների դեմ պայտար կազմակերպելու մասին)

3978
37788

▲▲▲



1936

Յ Ե Բ Ե Կ Ա Ն

7.02.2013

20.045

Հ Բ Ա Հ Ա Ն Գ

**ԽԱՂՈՂԻ ԲԵՐԲԱՀԱՎԱԲԻ ՅԵՎ ՆՐԱ
ՏԵԽՆԻԿԱԿԱՆ ՎԵՐԱՄՇԱԿՄԱՆ ԺԱՄԱՆԱԿ
ԿՈՐՈՒՍՏՆԵՐԻ ԴԵՄ ՊԱՅԲԱՐ
ԿԱԶՄԱԿԵՐՊԵԼՈՒ ՄԱՍԻՆ**

«Բերհաճաճաճի ամբողջ աշխատանքները պետք է կատարվեն կորուստների դեմ պայքար կազմակերպելով» (Համ. կամկուսի կենտրոնի յե՛վ Միուրենահան Ժողկոմիտեի վարչությանը):

Այգեգործությունը ժողովրդական տնտեսության մեջ իբր պատկառելի տեղն ունի ինչպես բան-մատակարարման, այնպես և բարձրորակ եքսպորտային մթերքների արտադրության մեջ:

Այս տարի, շնորհիվ համեմատաբար ավելի բավարար մշակություն, խաղողի այգիների միջին բերքատվությունը բարձր է՝ համեմատած նախորդ տարիների հետ: Աշտարակում և Վաղպատում հեկտարից սպասվում է 60—65 ցենտ., Ղամարվում և Վեդիում՝ 70—75 ցենտ., և այլն: Մակաչե արև բավարար համարել չի կարելի: Դեռևս ազրոտեխնիկական աշխատանքները լրիվ ու ժամանակին չեն կատարվում և վոչ մի շրջանում: Դրա հետ միասին, դեռ չի ապահովվում բարձր բերքատվությունը՝ հեկտարին 100 ցենտներ և ավելին: Ուստի ավելի ուշադիր պետք է լինել յե-

դած բերքի նկատմամբ և ամեն կերպ պայքարել կորուստ-
ները դեմ:

Ամեն տարի, միայն խաղողի բերքահավաքի ժամանակ,
անփութութեան պատճառով, բերքի ահագին կորուստ ենք
ունենում, կորչում ե բերքի առնվազն 8—15%—ը: Նույն-
պիսի կորուստներ լինում են և՛ խաղողի հասունացումից
մինչև բերքահավաքը, և՛ տեխնիկական վերամշակման ու
մնացորդների ոգտագործման ժամանակ:

Վորպեսզի կորուստը նվազագույն չափի հասցվի և
ստացվի հնարավոր մաքսիմում բերք, անհրաժեշտ ե բեր-
քահավաքի ամբողջ ընթացքում, մթերումների և տեխնի-
կական վերամշակման ժամանակ՝ կազմակերպել և կիրա-
ռել հետևյալ միջոցառումները.

Հասունացումից մինչև վ բերփահավաքի երջանը.—
Խաղողը հասնելիս նրա թշնամիները շատանում են: Սկըս-
վում ե գողութուն. գողանում են պատահական մարդիկ,
գողանում են գողութեան մեջ հմտացած անձնավորու-
թյունները, այգիների մոտով անցնող ճամբորդները, գողա-
նում են իրարից անգամ հարևան այգետերերը: Գողու-
թյան ժամանակ վնասում են վոչ միայն բերքին՝ խաղողին,
այլև վազին. շատ անգամ, առանց դանակի ու առանց
մտածելու վազի մասին, քաշում են վողկուղից, վորի ըն-
թացքում կտրվում են վազի մատերը և թևերը:

Բերքին մեծ չափով վնասում են նաև շները, թռչուն-
ները և այլն: Այդ ե պատճառը, վոր հենց սկզբից պետք ե
պայքարել կորստի դեմ՝ կազմակերպելով պաշտպանու-
թյան գործը: Յուրաքանչյուր բրիգադ, վորը պատասխա-
նատու չե իրեն կցած այգու բերքատվութեանը, իր լավա-
գույն անդամներին պետք ե հանձնարարի խաղողի պաշտ-
պանելու գործը:

Սաղողի ե նրա պրոդուկցիայի վորակն ապահովելու
համար բերքահավաքից առնվազն 20 որ առաջ պետք ե
զաշարեցնել բոլոր տեսակի բուժումներն ու շրելը:

Ինվենսարի յեվ ամանների պահպանումը.— Չափա-
զանց մեծ նշանակութուն ունի անհրաժեշտ ամանների և
ինվենտարի ժամանակին, նախորոք պատրաստումն ինչ-
պես բերքահավաքի համար, նույնպես և նրա տեխնիկա-
կան վերամշակութեան համար:

Չպետք ե մոռանալ, վոր համապատասխան, լրիվ և
մաքուր ամաններն ու ինվենտարը վոչ միայն ապահովում
են վորակով պրոդուկցիա, այլև ամենամեծ յերաշխիքն են՝
բերքն անկորուստ հավաքելու և վերամշակելու: Քիչ չեն
դեպքեր, յերբ մեր այգեգործական տնտեսութուններում,
չմաքրված ամաններ գործածելու հետևանքով, ստացված
դինին անդուրեկան, յուրահատուկ հոտ ե ստացել:

Ուստի, յուրաքանչյուր խորհանտեսութուն և կու-
տնտեսութուն հաշվի պետք ե առնի իր այգիներից
ստացվելիք բերքը, թե նրանցից ինչքանն ե հանձնվելու
գործարանին, ինչ քանակով ե մնալու տնտեսութեան ներ-
սում վերամշակելու համար, կամ թարմ վիճակում սպա-
ռելու, և այլն: Դրա համար ել նախորոք պետք ե պատ-
րաստել բերքահավաքի և վերամշակման համար անհրա-
ժեշտ ամաններն ու ինվենտարը:

Բերքահավաքի և վերամշակման ժամանակ գործած-
վող ամաններն ու ինվենտարը (կողովներ—կթոցներ, կաթ-
սաններ, տակառներ, շաներ, պոմպեր, մամլիչներ, խաղո-
ղաշարդ մեքենաներ և այլն) պետք ե լավ հականելել,
լվանալ և մաքրել: Ուշադրութուն պետք ե դարձնել մա-
տաններին և այն վայրերի վրա, վորտեղ խաղողը պետք ե
հավաքվի և վերամշակվի. նման տեղերը ևս պետք ե հա-

կանխել և լավ լվանալ: Ինվենտարը, ամանները, արանսպորտը պետք է պատրաստ լինեն բերքահավաքից առնվազն 10 որ առաջ, մաքուր պահվեն մինչև գործածելը, և ընդհանրապես աշխատանքը պետք է դասավորել աջակես, վորպեսզի ամբողջ բերքահավաքն ընթանա առանց ընդհատումների և ավարտվի նախատեսված ժամկետում:

Անհրաժեշտ է բերքահավաքն ապահովել նաև վորակյալ կաղերերով:

Այգեկուրթի (այգեխաղի) ժամանակը.—Բերքի ամենաշատ կորուստը լինում է այգեքաղի ժամանակ. վորքան բերքն ուշ հավաքվի, այնքան կորուստը մեծ կլինի: Պինեգործության համար խաղողը պետք է քաղել նրա տեխնիկական հասունության ժամանակ, վորի համար պետք է խորհանտեսութուններում և կոլտնտեսութուններում հատուկ հսկողություն սահմանել՝ հասունության ժամանակը վորոշելու: Սեղանի խաղողը պետք է սկսել քաղել այն ժամանակ, յերբ հասունացել է և կարելի չէ գործածել: Ընդհանուր բերքահավաքը Հոգոկոմատի կողմից նախատեսված է հոկտեմբերի 1-ից մինչև 25-ը: Բերքահավաքը պետք է կատարել միաժամանակ՝ յաստիմներով և, վորքան կարելի չէ, ժամկետը պահպանելով: Բերքահավաքի ժամանակ այգում ավելորդ մարդ չպետի թողնել. այգում պետք է աշխատեն կազմակերպված բրիգադների ոգակներ, վորոնց քանակը և արտադրողականութունը պետք է համապատասխանեն փոխադրողականի և վերամշակման կարողությանը: Խաղողը քաղել խնամքով, անպտման սուր դանակով, վոր մի դեպքում չի թուլաարժուում ձեռքով պոկոտելը, կամ անգամ բութ դանակներով քոզելը, վորի ժամանակ հատիկները հեշտությամբ են թափվում և անգամ վնասվում են վազի մատերն ու թե-

վերբ: Պետին թափված խաղողը պետք է խնամքով հավաքել, մաքրել և գործածել:

Անհրաժեշտ է լուրջ ուշադրություն դարձնել քաղելու ժամանակ խաղողի տեսակավորման վրա. պետք է փտածները, հիվանդութուններից և վնասատուներից վնասվածները, չհասածները, չոր մնացած վողկուղները ջուկել առողջներից և առանձին հավաքել, յերբեք չխառնել առողջների հետ, քանի վոր վերջիններս ազդում են արտադրանքի վորակի վրա բացասական իմաստով: Բրիգադները պետք է հսկեն, վոր մշակները կողովները և դուլերը դատարկելիս ու սալերը բարձելիս խաղողը չթափեն, շաղ չտան:

Քաղած խաղողը յերբեք չի թուլաարվում մինչև նրա փոխադրումն այգու մեջ ազատ տեղ, հողի վրա կուտակելը, ինչպես անում են այդ Դամարվի շրջանում. պետք է քաղել այնքան, վոր անմիջապես սալերը հնարավորություն ունենան տեղափոխելու: Սալերով տեղափոխելիս խաղողն այնպիսի ամանների մեջ լցնել, վոր ճանապարհին շիրան չթափվի (տակառ). կողովներով տեղափոխելը նպատակահարմար չէ:

Վորևե սառնա քաղելուց հետո նորից պետք է ըստուգել, և յեթե կան թողած վողկուղներ կամ գետին թափածներ, պետք է հավաքել, քանի վոր դեպքեր են լինում, յերբ քաղողները դիտավորյալ կերպով խաղողը պահում են թիֆերի վրա, վորպեսզի հետո իրենց համար քաղեն: Այգեքաղից հետո այգիների մեջ անասուններ բաց թողնելը խիստ արգելվում է:

Տեխնիկական վերաուսակման ժամանակը.—Մեր այգեգործական խորհանտեսութուններն ու կոլտնտեսութունները, վորոնք մեծ տարածությամբ խաղողի այգի-

ներ ունեն, խաղողի վերամշակման աշխատանքները պետք է մեքենայացման յենթարկեն: Մեքենայացրած գինեգործությունն ավելի քիչ կորուստ է տալիս, քան վոչ մեքենայացրածը: Ինքնաշեն մամլիչները կամ փոքր պտուտակավոր ճզմիչները հնարավորություն չեն տալիս ստանալու խաղողի մաքսիմում հյութը: Կորուստը քիչ է լինում աշխատանքներն արագ կատարելու ղեպքում, վոր և հնարավոր է միայն մեքենայացրած գինեգործության ժամանակ:

Պետք է հետևել, վոր սալերը դատարկելու և խաղողը շարդիչ, չանչահան մեքենաներին ու մամլիչներին տալու ժամանակ շող չտրվեն, գետին չթափվեն: Աշխատանքի յեռուն ժամանակ, բացի աշխատող բանվորներից, այլ «հյուրեր» չպետք է ներկա լինեն:

Բրիգադիւրները պետք է հետևեն, վոր մամլիչներին առաջ գրած ամանները և շիրալի (քաղցվի) տակառները շատ լցվելուց չթափվեն: Չաները, տակառները, կարասները չպետք է լրիվ լցնել, այլ պետք է մի քառորդով պակաս թողնել՝ խմորման (լեփ գալու) ժամանակ թափվելը կանխելու համար: Խմորման ժամանակ չաների, տակառների, կարասների բերաններն ամուր չպետք է փակել, այլ պետք է անցք թողնել, այլպես ամանները կարող են պայթել:

Տեխնիկական վերամշակման բոլոր աշխատանքները պետք է կատարվեն մասնագիտական ցուցմունքների համաձայն:

Մնացորդների ոգսագործումը.— Գինեգործության մնացորդների ոգսագործումը մեծ նշանակութուն ունի. մնացորդը բազմատեսակ մթերքներ է տալիս—գինեքար, տանին, չուղ, սպիրտ, սուրճին փոխարինող նյութ և այլն: Սա-

կան այդ մթերքները չի կարելի ստանալ, չեթե մնացորդը, ինչպես հարկն է, չպահվի: Ճզմված մասսան պետք է անմիջապես մամլիչի տակից հավաքել և լցնել կարասները, տակառները կամ ցեմենտից շինած ավազանները և լավ սեղմել, ամրացնել. վերջինից է կախված նյութի և նրա վորակի պահպանումը:

Գինու խմորումից հետո ամանների մեջ գոյացած ախլը (դիրտը) նույնպես պետք է խնամքով հավաքել և պահել:

Այն կազմակերպությունները, վորոնք անմիջապես զբաղվում են գինեգործության մնացորդների ուտիլիզացումով, պետք է մոտիկ կանգնած լինեն խորհանտեսական, կոլտնտեսական արտադրությանը՝ մնացորդները ժամանակին ոգսագործելու համար:

Նշված բոլոր աշխատանքների նկատմամբ յուրաքանչյուրն իր կատարած աշխատանքի համար պատասխանատու պետք է լինի, առանց դիմազրկության, լայն կիրառելով սոցմրցումն ու հարվածայնությունը. նա պետք է պայքարի կորուստների դեմ և վորակական ցուցանիշների համար:

Շրջանային կազմակերպությունները պետք է լայն քննության առարկա դարձնեն բոլոր միջոցառումները՝ կորուստների դեմ պայքարելու հարցի վերաբերյալ և, տեղական պայմանների համաձայն, կիրառեն կյանքում:

Հողծողիով՝ Վ. ՄԱՄԻԿՈՆՅԱՆ

Այգե-բանջ-վարչ. պես՝ Ա. ՎԱՐԿԱՆՅԱՆ

Պ. ՇԱՏԿՈՐՅԱՆ

ԱՅԳԵԿՈՒԹ

Հասել ե խորհանտեսական և կոյտնտեսական այգի-
ների խաղողի բերքը: Ծանր բեռան տակ հրճվում են
վաղերը: խաղջու, հաչաբաշի, քիշմիշի, կախեթի և այլ
բաղմաթիվ փոփոխակների քաղցր, հյութառատ, կենսա-
բար վողկուղները ճրագի պես վառվում են թփերի վրա:
Յերբ մտնում ես մեր այգիները, զգում ես, վոր սոցիա-
լիստական դաշտերի հարվածայիններն արդեն բռնել են
կուլտուրական աշխատանքի և բարձր բերքատվության
ճանապարհը:

Մի նայե՛ք առաջին խորհանտեսության Դավմայի այ-
գիներին, չերբորդ խորհանտեսության մուսկատներին,
Վաղարշապատի, Աշտարակի, Ղամարուլի կոյտնտեսու-
թյունների այգիներին — մշակված են նրանք՝ փորված,
քաղհանված, բուժված: Խաղողի վողկուղները լավ խնա-
մած մանուկների նման ծիծաղում են գեմքիդ, առաջաց-
նելով քո մեջ ուրախության քաղցր զգացմունք: Կոյ-
տնտեսական կարգերի ուժը մեծ ե. սոցիալիզմը հաղթա-
նակում ե ամեն տեղ: Չես կարող չհիշել կուսակցության
1927 թ. համագումարում մեծ առաջնորդի արտասանած
խորհմաստ խոսքերը.

«Ըստ բանի էյուրյան՝ հազվե՜սու ժամանակաբացանը
գյուղացիներս համար վոյ այնքան արագ վերելի յեվ
հուժկու քափ առնելու ժամանակաբացան եր, վորքան
մերձավորագույն ապագայում այդպիսի վերելի յեվ այգ-
պիսի քափ ունենալու համար նախադրյալներ ստեղծե-
լու ժամանակաբացան»: Առաջին հնգամյակի տարիներում

մենք ստեղծեցինք հզոր սոցիալիստական գլուղատնտես-
սութիւն, իսկ այսօր արդեն քաղում ենք նրա լիառատ
պատուհները: Մեր այգիների նախորդ և այս տարվա ան-
ընդհատ բարձրացող բերքն անցյալի համեմատութեամբ
մի փայլուն ազացուլց է առաջնորդի խորիմաստ խոսքերի,
այն բանի, թե ինչ կարող է անել կոլեկտիվ կամքը, թե
ինչպես կոլտնտեսական կարգերի շնորհիվ այսօր արդեն
մենք ունենք բոլոր հնարավորութիւնները՝ գլուղատնտես-
սութեան բոլոր ճյուղերում տալու բարձր բերք, իսկ այգիների
բերքատվութեան ասպարիզում մոտակա տարիներում հաս-
նելու այն դրութեան, վոր մեկ հեկտարից ստանանք վոչ
թե 65—75, այլ 100—150 ցնտներ բերք:

Մոտենում են բերքահավաքի օրերը: Մեր խորհուրդ-
տեսութիւններն ու կոլտնտեսութիւններն այգեգործու-
թեան ասպարիզում թեկախում են Վի նոր, պատասխա-
նատու շրջան, մի շրջան, յերբ ամբողջ տարվա քրտ-
նաշան աշխատանքից հետո պետք է հավաքել աշխա-
տանքի քաղցր պտուղը: Լցնենք մեր մառաններն ու ամ-
բարները լիառատ սոցիալիստական բերքով, վորը տաս-
նյակ հազարավոր ագնիվ, աշխատող կոլտնտեսականներին
խոստանում է նոր, ունեոր, յերջանիկ և կուլտուրական կյանք:

ՆԱԽԱԳԱՏՐԱՍՏՎԵԼ ԱՅԳԵԲԱԳԻՆ

Այգեքաղի և ընդհանրապես ամեն մի բերքահավաքի
ամբողջ հաջողութիւնը կախված է նրանից, թե ինչպես են
նախապատրաստվել: Գործի լավ նախապատրաստումը հաջո-
ղութեան կեան է: Քիչ չեն յեղել զեպքեր, յերբ չնախա-
պատրաստվելու կամ վատ նախապատրաստվելու հետևան-
քով բերքահավաքն ընթացել է անկազմակերպ, աշխա-
տանքը ձգձգվել է՝ տեղի տալով խոշոր կորուստների:

Բերքահավաքի նախապատրաստութիւնը պետք է
սկսել այգիների պահպանութեան ուժեղացումից: Վորքան
հասունանում է բերքը, մոտենում է նրա հավաքելու շր-
ջանը, այնքան շատանում են նրա թշնամիները, գողա-
նում են մարդիկ, փչացնում են անասունները, ուտում են
թռչունները: Պետք է կազմակերպել անխնա պաշտար
բո-
լոր տեսակի գողութիւնների, հափշտակումների, փչացում-
ների դեմ, վորպեսզի մեր այգիներից վոչ մի վողկուլց
խողող չպակասի: Պետք է արգելել բոլոր տեսակի
անասուններն ու թռչուններն այգիներում պահելը: Գո-
ղութեան ու փչացման ամեն մի դեպք պետք է հայտա-
բերվի և պատժվի խորհրդային որենքների ամբողջ խր-
տութեամբ:

Մի վերջին անգամ ամենուրեք պետք է ստուգել, թե
ինչպես է դրված պահպանութեան գործը, ստուգել պա-
հակներին, փոխել վատերին, լրացնել պակասը: Կազմա-
կերպել գիշերային հսկիչ պոստեր, ստուգել, թե արդյոք
պահակները չեն քնում գիշերները, և այլն:

Պետք է իմանալ, վոր պահպանութեան լավ կազմա-
կերպումից է կախված մեր քրտնաշան աշխատանքով ստեղ-
ծած բերքի լրիվ հավաքումը:

ՊԼԱՆԱՎՈՐԵԼ ԲԵՐԲԱՅԱՎԱԲԸ

Սոցիալիստական տնտեսութիւնը պլանային տնտե-
սութիւն է. այնտեղ ամեն ինչ կատարվում է նախորոք
մշակված պլանով: Այդ պատճառով կոլտնտեսութիւնում
ևս ամեն մի աշխատանք պետք է ընթանա նախորոք ծրա-
դրված ձևով: Բերքահավաքը հաջողութեամբ կատարելու
համար անհրաժեշտ է ստուգել ըստ բրիգադների, բոտ

առանձին հողամասերի և այգիներին՝ մեր այգիների բերքի չափը և դրա հիման վրա կազմել բերքահավաքի վերջնական, ճշտված պլանը: Այդ պլանը պետք է հասցնել բրիգադ, ողակ և մասսայականացնել բոլոր աշխատավորներին մեջ: Յուրաքանչյուր կոլտնտեսական, ինչպես և խորհանտեսության ամեն մի աշխատող կատարելապես պետք է իմանա իր բրիգադի պլանը, իմանա յուրաքանչյուր առանձին այգուց սպասվող բերքի քանակը:

Պետք է վերանայել արտադրանքի նորմաները, յեթե դա անհրաժեշտ է, ճշտել նրանք ըստ բրիգադների, ըստ առանձին այգիների, այս տարվա բերքատվության համաձայն, և այդ նորմաները նույնպես լաջն կերպով մասսայականացնել: Գործը պետք է կազմակերպել այնպես, վոր ամեն մեկն իմանա բերքահավաքի ընթացքում իր կատարելիք աշխատանքը և վարձատրման չափը:

Կոլտնտեսական բրիգադները, ինչպես և ամբողջ կոլտնտեսությունը և խորհանտեսությունը պետք է մշակեն բերքահավաքի շրջանի աշխատանքների որացուցային ծրրագիր, վորտեղ պետք է կոնկրետ կերպով նշվեն յուրաքանչյուր աշխատանքի կատարման ժամանակ, այդ աշխատանքի համար հատկացվող բանվորական և քաշող ուժը, ամբացվող ինվենտարն ու ամանեղենը և պատասխանատու անձնավորությունը:

Աշխատանքի լավ դասավորումից, ուժերի ճիշտ բաշխումից է կախված բերքի արագ և անկորուստ հավաքումը:

**ՆԱԽԱՊԱՏՐԱՍՏԵԼ ԲԵՐՔԱՎԱՎԱՔԻ
ՅԵՎ ՎԵՐԱՄՉԱԿՄԱՆ ԻՆՎԵՆՏԱՐԸ**

Բերքը հաջողությամբ և առանց կորուստների հավաքելու համար վճռական նշանակություն ունի ինվենտարի նախապատրաստումը:

Ինվենտարի նախապատրաստությունը պետք է սկսել ամենափոքր գործիքներից՝ դանակներից, դուլերից, կշեռքներից՝ մինչև խոշոր տակառներն ու չոնները:

Բերքահավաքի պլանի համաձայն, պետք է ստուգել ամբողջ ինվենտարը: Անհրաժեշտ է հաշվառման յենթարկել լիզածը, նորոգել հները, շտապ կարգով ձեռք բերել պակաս լեղածը: Պետք է լվանալ մեծ և փոքր տակառներն ու չոնները, ծծուժը աալ նրանց և բոլորը պահել սարքին վիճակում՝ մինչև բերքահավաքը:

Ինչ ինվենտար է հարկավոր բերքահավաքի և վերամշակման համար:

Բերքահավաքի համար այգում պետք է ունենալ սուք զանակներ, ետի մկրատներ (սեկատոր), դուլեր և կողովներ: Դուլերը պետք է լինեն մաքուր, չժանգոտված. լայլ է ունենալ եմալած դուլեր, իսկ յեթե չկան այդպիսիները, պետք է աշխատել ձեռք բերել ներկած դուլեր, կամ տեղում հնարավորություն ստեղծել յեղածները ներկելու, վորովհետև թիթեղե դուլերի գործածությունն աննպատակահարմար է. նրանք ազդում են խաղողի վորակի վրա և փչացնում այն:

Այգում պետք է ունենալ նաև շալակի տակառներ և պահեստի խոշոր տակառներ՝ մինչև մթերակայան փոխադրելը հավաքված խաղողը նրանց մեջ լցնելու համար: Այգում անհրաժեշտ է ունենալ նաև կշեռքներ և կշռաքարեր:

Խաղողն այգուց մթերակայան փոխադրելու համար պետք է ունենալ սալերի և ֆուրգոնների վրա հարմարեցված բաց տակառներ:

Խաղողի ընդունման համար «Արարատ»-ի մթերման կետերում աշխատանքը պետք է այնպես կազմակերպել,

8007
8848



վոր յեկած խաղողն անմիջապես ընդունվի: Մինչդեռ ամեն տարի, ով յեղել է «Արարատ»-ի մթերման կետերում, անսած կլինի, թե ինչ խոշոր հերթեր են գոյանում այնտեղ: Իրա հետևանքն այն է լինում, վոր խաղողն այգուժ քաղում են և տեղ չլինելու պատճառով լցնում են գետին ու փչացնում, կամ ստիպված դադարեցնում են աշխատանքը:

Մթերման կետերում պետք է պատրաստել խոշոր կշեռքներ՝ ամբողջ սայլը կամ ֆուրգոնը միանգամից կշռելու համար: Հերթեր չառաջացնելու համար պետք է պատրաստել բարձրացնող սարքավորում (բլոկ, ճախարակ)՝ տակառները միանգամից բարձրացնելու և դատարկելու համար: Պետք է ունենալ շալակի տակառներ, դուլլեր, յեղաններ, թիակներ: Պետք է նախապատրաստված լինեն վերամշակման հրապարակները (կալէրը), վորպեսզի կշռված խաղողն արագ կերպով դատարկվի:

Մթերման կետերը պետք է լրիվ կերպով ապահովված լինեն վերամշակող սարքավորումով, ինչպիսին են՝ ջարդիչները, չանչհանները, մամուլները, պոմպերը (նասոս) և այլն, վորպեսզի ընդունած խաղողն արագ կերպով վերամշակվի և չխանգարի անընդհատ հանձնողներին:

Կոլտնտեսականների ընդհանուր վերամշակման կետերում նույնպես պետք է պատրաստել վողջ սարքավորում: Լավ կլինի, յեթե այդ աշխատանքի ղեկավարները մեկ անգամ այցելեն «Արարատ» տրեստի մոտակա մթերակայանը և տեսնեն, թե նրանք ինչպես են նախապատրաստվում:

Կոլտնտեսութունների վերամշակման կետերում նույնպես պետք է ունենալ կշեռքներ, դուլլեր, յեղաններ, թիակեր, մամուլներ, պոմպեր, տակառներ և այլն: Վերամշակ-

ման ինվենտարը պետք է մաքուր լվանալ և ախտահանել ծծմբով:

Այն կոլտնտեսականներն ու մենատնտեսները, վորոնք վերամշակելիք խաղող ունեն, պետք է նախորոք պատրաստվեն: Նրանք պետք է ձեռք բերեն տակառներ, կարասներ, հարմարություններ ստեղծեն ջեջան (կնջեռ) պահելու համար, և այլն:

Այգեքաղի ինվենտարը վերը նշված բոլոր ողակներում այնպես պետք է նախապատրաստել, վոր բերքահավաքի առաջին որվանից վող մի բանի պակասություն չզգացվի: Կոլտնտեսութուններում բրիգադիրներն անձամբ պետք է զբաղվեն այդ աշխատանքով:

Յերբ ամբողջ ինվենտարը պատրաստված է, պետք է մի վերջին անգամ ստուգում անցկացնել և հատուկ մարզիկ նշանակել, վորոնք չհսկելու և խնամելու յեն այն՝ մինչև բերքահավաքը:

ՆԱԽԱՊԱՏՐԱՍՏԵԼ ՏՐԱՆՍՊՈՐՏՆ ՈՒ ՃԱՆԱՊԱՐհՆԵՐԸ

Բերքահավաքին կազմակերպված դիմավորելու գործում խոշոր տեղ է գրավում տրանսպորտի և ճանապարհների նախապատրաստումը: Վորքան ել լավ նախապատրաստված լինենք, յեթե վատ է կազմակերպված փոխադրական գործը, յեթե պատրաստ չեն ճանապարհներն ու կամուրջները, աշխատանքն անհաջող կընթանա՝ տեղի տալով գլխի կորուստների:

Բրիգադները, համաձայն բերքի պլանի, պետք է ստուգեն ամբողջ տրանսպորտի դրությունը: Պետք է իմանալ, թե ամեն որ քանի սայլ կամ ֆուրգոն է պահանջվում: Պետք է ստուգել, թե սայլերն ու ֆուրգոններն ինչ բանի

վերանորոգման կարիք ունեն և վերանորոգել տալ առաջին հերթին: Նախորոք սայլերի և ֆուրգոնների վրա պետք է հարամարեցնել խաղող փոխադրող տակառներ:

Անհրաժեշտ է ստուգել քաշող ուժը, պարզել նրա գրաւթյունը և, յեթե անհրաժեշտ է, բերքահավաքից մի քանի որ առաջ հանգիստ տալ ու լավ կերակրել կենդանիներին, քանի վոր բերքահավաքի ամբողջ ընթացքում, վորը տեւելու յե 20—25 որ, նրանք աշխատելու յեն լարված կերպով:

Բերքահավաքը լավ կազմակերպելու համար պակաս նշանակութիւն չունի ճանապարհների և կամուրջների կարգի բերելը:

Այգեքաղի ժամանակ յերբեմն ականատես ես լինում այսպիսի փաստերի.— խաղողով բարձած սայլը կամ ֆուրգանը կամրջով անցնելիս անիվը կամրջից ցած է ընկել, ֆուրգոնը շուռ է յեկել, շիրան և խաղողը թափվել են հողերի ու ցեխերի մեջ, կոտրվել է և՛ սայլի այս կամ այն մասը, ջարդվել են տակառները, վիրավորվել է սայլապանը, և այլն: Կամ բարձած սայլը կանգ է առել ճանապարհի լճացած ջրի և խոր ցեխի մեջ, ու յեզները չեն կարողանում սայլը դուրս բերել այդտեղից: Հաճախ տեսնում ես, թե ինչպես ճանապարհի խորդուբորդ լինելու, տակառները սայլի վրա լավ չամրացնելու հետևանքով շարժվում են այս ու այն կողմ և թափում շիրալի զգալի մասը:

Այս բոլորը վոչ միայն դժվարացնում ու դանդաղեցնում է փոխադրումը, այլև անդրադառնում է բերքի քանակի ու վորակի վրա՝ զգալի վնասներ պատճառելով մեր տնտեսութեանը: Ահա այդ ամենից խուսափելու համար պետք է նախորոք վերանորոգել քանդված կամուրջները, լախնացնել նեղ կամուրջները, ստուգել նրանց ամրութիւնը:

Պետք է հավաքել ճանապարհների վրա թափված մանր սեւեւ քարերը, չորացնել լճացած ջրերը, հարթել խորդուբորդ տեղերը (խանդակները) և հատուկ ուշադրութիւն դարձնել այգեմիջան այն միջնակների վրա, վորտեղից անցնելու յեն սայլերը: Այդպիսի տեղերը նույնպես պետք է հարթվեն, վորպեսզի փոխադրումն անխափան կերպով ընթանա:

ՄԱՌԱՆՆԵՐԻ ՆԱԽԱՊԱՏՐԱՍՏՈՒՄԸ

Բերքահավաքի նախապատրաստման կարևորագույն ոգակներից մեկն էլ մառանների նախապատրաստումն է:

Մառանների նախապատրաստման նշանակութիւնը բարձրանում է հատկապես այն պատճառով, վոր այգիների լավ մշակութան և բերքատուլթան անընդհատ բարձրացման շնորհիվ, մեր այգեգործական կոլտնտեսութիւնները պետութեան և մթերող միջուկ կազմակերպութիւնների հանդեպ իրենց ունեցած պարտավորութիւնները կատարելով և գերակատարելով հանգերձ՝ մեծ քանակութեամբ խաղող են ունենում: Նրանք բերքի մի մասը վերամշակում են ընդհանուր ձևով, իսկ խոշոր մասը բաշխում են կոլտնտեսականների աշխորերին, իսկ այդ մասը կոլտնտեսականները վերամշակում են իրենց մոտ: Միջուկ կողմից՝ կոլտնտեսականները բավականաչափ բերք են ստանում իրենց հատկացված տնամերձ այգիներից, վորի մի զգալի մասը նույնպես վերամշակվում է: Ահա այս տեսակետից էլ մառանների նախապատրաստումը տարվում է յերկու ուղղութեամբ՝ կոլտնտեսութեան ընդհանուր մառանների նախապատրաստում և կոլտնտեսականների մառանների նախապատրաստում:

Յերկու դեպքում էլ հատուկ ուշադրութիւն պետք է

դարձնել մառանները մաքրության վրա: Այդ տեսակեանքից ընդհանուր մառանները պետք է որինակելի լինեն: Պետք է իմանալ, վոր գինին արագ փչացող մթերք է. նա հեշտությամբ ընդունում է իր մեջ շրջապատում գտնված վատ հոտերը, ինչպես և հիվանդանում է իր մեջ ընկած զանազան սնկերի կամ բակտերիաների ազդեցությունից: Հետեւիպես, պետք է աշխատել, վոր մառանում կողմնակի վատ հոտեր, ինչպես և հիվանդություններ առաջ բերող միկրոօրգանիզմներ չլինեն, վորի համար պետք է շատ մեծ մաքրություն պահպանել: Մինչդեռ շատ քիչ կոլտընտեսություններում մենք մաքուր և առողջապահական տեսակեանքից բավարար պայմաններում գտնվող մառաններ ունենք:

Ի՞նչը պետք է նախապատրաստել մառաններում: Ամենից առաջ՝ պետք է հեռացնել այնտեղից բոլոր ավելորդ էրերը, ամեն տեսակի մթերքները, ջարդված կամ գործածության համար անպետք տակառներն ու կարասները՝ թողնելով միայն այն, ինչ անհրաժեշտ է: Պետք է սպիտակեցնել պատերը, կանոնավորել մառանի հատակը, վերջինս, յեթե ցեմենտե յե, պետք է մաքուր լվանալ: Այնուհետև պետք է մի քանի անգամ լվանալ կարասներն ու տակառները և ծծմբով ախտահանել:

Ախտահանումը պետք է կատարել այսպես. կարասների համար կարելի յե վերցնել վորոշ քանակով ծծումբ, լցնել չուգունե թասի կամ կավե ամանի մեջ, վառել ու կախել կտրասում:

Գինու տակառների ախտահանման համար պետք է պատրաստել ծծմբե ժապավեններ, վոր և վառում ու կտրում են տակառի մեջ: Ծծմբե ժապավենը կարելի յե պատրաստել այսպես. վերցնել 3—4 սմ լայնությամբ և մաս

25—30 սմ յերկարությամբ թղթե ժապավեններ. թիթեղե կամ չուգունե ամանի մեջ լցնել ծծումբ և գնել կրակի վրա: Ցերք ծծումբը կհալվի, հեղուկ կգառնա, պետք է թղթե ժապավենները մի ծայրից բռնած թաթախել հեղուկի մեջ (սուղուխի նման) և չորացնել:

Ամբողջ մառանն ախտահանելու համար մառանի ծավալի յուրաքանչյուր խորանարդ մետրին պետք է վերցնել 30 գրամ ծծումբ և այրել՝ նախորդ փակելով դուռն ու լուսամուտները և 5—6 ժամ թողնել, վոր ծծմբի ծուխը թափանցի մառանի բոլոր անկյունները:

Այս ամբողջ աշխատանքները մառանում պետք է ավարտել բերքահավաքից առնվազն 5—10 որ առաջ, վորպեսզի մառանը պատրաստ լինի հենց առաջին որվանից ընդունելու քաղած խաղողը:

ԱՆԽՆԱ ՊԱՅԲԱՐԵԼ ԿՈՒԼԱԿԱՅԻՆ ՄԵՔԵՆԱՅՈՒԹՅՈՒՆՆԵՐԻ ԴԵՄ

Յուրաքանչյուր կոլտնտեսություն շահագրգռված պետք է լինի վոչ միայն բերքի քանակով, այլև պետք է ձեռք առնի բոլոր միջոցները՝ բերքի պահանջվող վորակն ապահովելու համար:

Բերքի վորակի բարձրացման համար հատկապես խոշոր նշանակություն ունի այգու ջուրը ժամանակին դադարեցնելը: Մեր վորոշ կոլտնտեսություններում շարունակվում է այն հին և վատ սովորությունը, յերբ բերքահավաքից մի քանի որ առաջ այգին ջրում են: Այդ սովորությունը կուլտիվային-առեվարական հոգեբանության մնացորդ է: Անխնա կերպով պետք է վերացնել այն ամենը, ինչ կուլտիվային վատ ժառանգություն է մնացել:

Կոլտնտեսական կարգերի հաղթանակի շնորհիվ, գյու-

դացիութունը դարձել է իր հալալ աշխատանքի տերը, նա ինքն է տնօրինում իր ժրաշան աշխատանքով ստացված բերքը: Բերքը մենք հանձնում ենք մեր հարազատ պետութանը, մեր կոոպերատիվ կազմակերպություններին: Հետեվաբար մենք պետք է որեցոր ուժեղացնենք պայքարը կուլակի մեքենայութունների դեմ-այգին բերքահավաքից առաջ ջրելու, բերքի քանակն արհեստականորեն բարձրացնելու համար:

Յուրաքանչյուր այգալիսի դեպք պետք է արժանանա ամենախիստ դատապարտման և պատժվի որենքով:

Մենք պետք է պետութանը հանձնենք բարձրորակ խաղող: Իսկ դրա համար, վորպես կանոն, այգին վերջին անգամ պետք է ջրել վոչ ուշ, քան բերքահավաքից 20—30 որ առաջ:

ՅԵՐԲ ՍԿՍԵԼ ԱՅԳԵԳԱՂԸ

Համատարած այգեքաղը պետք է սկսել այն ժամանակ, չերբ խաղողը հասել է ադդյունարեալիան հասունության, այսինքն՝ չերբ նրա հասունությունը համապատասխանում է տվյալ այգեգործական արդյունաբերություն համար կարելի չե այգին ավելի շուտ քաղել, քան թունդ և լիքյորային գինիներ պատրաստելու համար, վորպեսզի ստացվի թարմացուցիչ և զովացուցիչ հատկություն ունեցող խմիչք:

Մեր յերկրի հողային և կլիմայական պայմանները թույլ են տալիս պատրաստելու թանգարժեք և եքսպորտային նշանակություն ունեցող թունդ և լիքյորային գինիներ, ինչպիսին են՝ պորտվենյը, մադերան, մուսկատները և այլն, վորոնց արտադրության համար վորչափ խաղողը

շատ քաղցրանա, այնքան ավելի լավ է հետեվապես, այդ տեսակետից, վորքան ուշ քաղենք այգին, այնքան բարձրորակ խաղող կունենանք արտադրության համար: Սակայն, քանի վոր այգեքաղը տեվում է 20—25 որ, բուրբ այգիները հնարավոր չե միանգամից քաղել, այգեքաղից հետո այգում մի շարք աշխատանքներ պետք է կատարվեն, մանավանդ այգեթաղը, վորը տեւում է մինչև ձյուն գալը, ապա ուրեմն այգեքաղի սկիզբը շատ չի կտրելի ուշացնել:

Մեզ մոտ ընդհանրապես համատարած այգեքաղի սկիզբը շատ իրավացիորեն հայտարարվում է հոկտեմբերի 5—7-ը:

ՍԵՂԱՆԻ ԽԱՂՈՂՆԵՐԻ ԲԵՐԳԱՅԱՎԱԿԸ

Անմիջապես տեղում սպառելու և մեր քաղաքներին ու արդյունաբերական վայրերի աշխատավորությունը թարմ խաղող մատակարարելու համար, բերքահավաքն սկսվում է համատարած այգեքաղից շատ առաջ և կատարվում է աստիճանաբար: Առաջին հերթին սկսում են հավաքել վաղահաս փոփոխակները, ինչպեսիք են՝ սև և սպիտակ լեզանդարիները, սև և սպիտակ խալիլիները, ասկյարին և քիչ-միչք: Դրանցից հետո՝ ավելի ուշ հասնողները՝ խարջին, դառանդմակը, մսխալին, կախեթը (Ղամարլու) և այլն:

Սեղանի խաղողները պետք է հավաքել շատ խնամքով: Այստեղ հատուկ նշանակություն է ստանում նրանց թարմ և առողջ վիճակում տեղ հասցնելը: Հաճախ այնքան անխնամ են վերաբերվում այս գործին, վոր խաղողը մինչև սպառողին հասնելը տրորվում է, փշանում և ուստելու համար անպետքանում: Դրա համար ել հենց այգում պետք է ցուլց տալ ուշադիր վերաբերմունք. վողկուլոնները պետք է քաղել սուր դանակներով, բռնելով վողկուլակներից:

Սեղանի խաղողները հավաքելու համար պետք է գործածել ուռենուց (ճիլուռ) պատրաստած կողովներ, իսկ հեռավոր վայրեր ուղարկելու համար պետք է ունենալ հինգ-տասը կիլոյանոց փոքր, ստանդարտ արկղներ:

Յեթե խաղողն ուղարկում են մոտիկ շուկաները, այդ դեպքում քաղած խաղողն զգուշութեամբ պետք է դարսել կողովներով, կամ արկղների մեջ՝ կոթունները դեպի վերև դարձրած, փակել արկղների բերանը, իսկ կողովների յերեսին կապել թանգիֆ՝ փոշուց պահպանելու համար, ապա բարձել ֆուրգոնին կամ ավտոմոբիլին և տեղափոխել:

Հեռավոր վայրեր խաղող տեղափոխելիս պետք է ավելի շատ խնամքով նախապատրաստել: Հեռավոր վայրեր պետք է ուղարկել ավելի դիմացկուն տեսակները, ինչպեսին են՝ կախեթը, մսխալին, հաչաբաշը, ալախկին և այլն:

Պաղոզը պետք է քաղել շատ զգուշ, այնպես, վոր վոչ մի հատիկ չջարգվի: Այնուհետև պետք է վողկույզների վրայից մեկ-մեկ հեռացնել հոտած, չորացած կամ վնասված պտուղները, և ամբողջ խաղողը մի որ փուխ, վոր պեսպի մի քիչ թառամի: Հաջորդ որը խաղողն զգուշութեամբ պետք է գարսել նախորոք արկղների մեջ, վերջիններիս մակերեսից բավական բարձր և, առանց վախենալու, արկղի կափարիչի տախտակները վրան դնելով, զգուշութեամբ սխմել՝ խուսափելով պտուղները ջարդելուց: Այս ձևով խաղողի պտուղները բոլոր կողմերից իրար սխմելով՝ արկղում վոչ մի ազատ տեղ չի մնում, վոր փոխադրելիս ճանապարհին նրանք շարժվեն և տրորվեն: Այնուհետև պետք է մեխել կափարիչի տախտակները, և արդեն նա պատրաստ է ուզածդ տեղը փոխադրելու: Այս ձևով պատրաստած խաղողը միանգամայն թարմ վիճակում կարելի է տեղափոխել բավականին հեռու տեղեր, ինչպես՝ Մոսկվա, Լենինգրադ և այլն:

ՊԱՀՈՒՆԻ ԽԱՂՈՂՆԵՐԻ ԲԵՐՔԱՅԱՎԱԲԸ

Չմեռվա թարմ գործածութեան համար, ընդհանուր բերքահավաքից առաջ պետք է կատարել պահուսնի խաղողների բերքահավաքը, վորի համար նախորոք պետք է տեղ և կախելու հարմարութիւններ ստեղծել, ինչպես՝ կանփի փայտից պատրաստված կախանի փայտեր, ճիլուռ, սողցի թեփ և այլն: Կախելու համար պետք է ընտրել այնպիսի տեղ, վորտեղ քացախ, գինի, մաճառ, մանավանդ, ջեջա չկա:

Չմեռվա պահելու համար մեզ մոտ հատկացվում են հաչաբաշը, մսխալին, կախեթը, ամբարին, ալախկին և այլն. դրանք ունեն ամուր մաշկ և չերկար ժամանակ պահվում են: Աշտարակում մասամբ պահում են նաև խարջին՝ համեմատաբար շուտ գործածելու համար:

Պահուսնի խաղողների բերքահարաքի և փոխադրման կազմակերպման համար ավելի մեծ զգուշութիւն է պահանջվում, քան սեղանի խաղողների:

Մնամքով, ժամանակին քաղած և լավ պահված խաղողը շատ չերկար, մինչև դարուն կարող է դիմանալ:

Պահուսնի խաղողները պետք է հավաքել ընդհանուր բերքահավաքից 5—10 որ առաջ: Պետք է աշխատել այդ խաղողները հավաքել աշնան անձրևներից առաջ, վորովհետև անձրևի տակ ընկած խաղողը չերկար չի դիմանում:

ՋԱՄԱՏԱՐԱԾ ԲԵՐՔԱՅԱՎԱԲԸ

Համատարած բերքահավաքը կատարվում է այն ժամանակ, չերբ խաղողը պիտանի չե վերամշակման համար: Մրարատյան դաշտում այդ ժամանակը՝ չերկար ոտարիների ընթացքում, ընկնում է հոկտեմբերի սկզբներից մինչև 20—25-ը: Հոգժողկոմատի վորոշմամբ, այս տարի համատարած

րած բերքահավաքն սկսվելու չե հոկտեմբերի 5-ից և տե-
վելու չե մինչև 25-ը:

Համատարած բերքահավաքի նախապատրաստման հա-
մար վերևում բավականաչափ կանգ առանք:

Բերքահավաքի հենց առաջին որվանից կազմ ու պատ-
րաստ պետք է անցնել աշխատանքի: Նախորոք պետք է
վորոշել թե վորտեղից է սկսվում աշխատանքը: Առաջին
հերթին պետք է քաղել ծայրերում ու հեռու ընկած այգի-
ները և այն այգիները, վորոնց բերքն այս կամ այն պատ-
ճառով փչանում է:

Գործը պետք է կազմակերպել այնպես, վոր քաղած
խաղողն անմիջապես փոխադրվի մթերակալան: Պետք է
կտրականապես վերացնել այն սովորութիւնը (Ղամարլու),
չորք խաղողը քաղում ու կիտում են գետնի վրա և հետո
փոխադրում: Քաղած խաղողը պետք է անմիջապես լցնել
առկանները և փոխադրել:

Անհրաժեշտ է նաև վերացնել վերամշակվող խաղողը
կողմններով տեղափոխելը: Խաղողը քաղելու համար գոր-
ծածվող դուլներն ամեն սր, աշխատանքն սկսելուց առաջ,
անհրաժեշտ է մաքուր լվանալ:

Խաղողը պետք է քաղել սուր դանակներով կամ ետի
մկրատներով (սեկատոր): Արգելվում է ձեռքով կամ բուխ
դանակներով խաղողը քաղելը:

Խաղողը թփից այնպես պետք է կտրել, վոր, ինչպես
ասում են՝ վազը «չզգա»: Ձեռքով քաղելիս կամ բուխ գոր-
ծիքով աշխատելիս խաղողը տրորվում է, շիրան թափվում,
հաճախ վողկուլոն ընկնում է գետնին ու կեղտոտվում: Ձեռ-
քով քաղելիս վողկուլոն հետ միասին հաճախ ջարդվում են
բերքատու մատերը:

Խաղողից վորակյալ խմիչքներ և զանազան մթերքներ
պատրաստելու համար հատուկ ուշադրութիւն պետք է

գարձնել բերքի տեսակավորման վրա: Այստեղ շատ բան
կախված է հատկապես «Արարատ» տրեստից և նրա բա-
ժանմունքներից, վերջիններս այդ առթիվ պետք է ներկա-
յացնեն իրենց պահանջները: Կուլտուրական այգեգործա-
կան շրջաններում խաղողը հավաքելու ժամանակ իսկույն
տեսակավորում են:

Բերքի տեսակավորումը պետք է կատարվի քաղելու
պրոցեսում, վորն ընթանալու չե հիմնականում չերեք
ուղղութիւնը: Ամենից առաջ պետք է առանձնացվեն հո-
տած խաղողները, վոր արդուներ է ժամանակին պոլի-
խորդիս միջատի դեմ պայքար չտանելու: Այնուհետև պետք
է առանձնացնել հիվանդոտ, չորացած և խակ մնացած
վողկուլոնները: Իրանք վոչ մի դեպքում չպետք է խառն-
վեն մնացած խաղողին: Այնուհետև պետք է առանձ-
նացվեն սև և սպիտակ տեսակները: Յեվ, վերջապես, վո-
րոշ նպատակների համար անհրաժեշտ է առանձնացնել
առանձին սորտերը, որինակ՝ խարջին, ճիլարը, մսխալին,
կախեթը և այլն:

ՊԱՅԿԱՐ ԿՈՐՈՒՍԻ ԴԵՄ

Համկոմկուսի Կենտկոմի և ԽՍՀՄ Ժողկոմխորհի
վորոշման մեջ ասված է. «Բերքահավաքի ամբողջ աշխա-
տանքները պետք է կատարվեն կորուստների դեմ պայքար
կազմակերպելով»:

Կորուստների դեմ մղվող պայքարն ավելի մեծ նշա-
նակութիւն է ստանում խաղողի բերքահավաքի ժամա-
նակ: Բերքի 10—15% -ը կորչում է մեր անկազմակերպ-
վածութիւն և գործին անհոգի վերաբերմունք ցույց տալու
հետևանքով:

Պետք է իմանալ, վոր յուրաքանչյուր վողկուլոյ մեծ
աշխատանքով է ձեռք բերված և անհրաժեշտ է բոլորի ու-

շաղրությունը կենարոնացնել բերքի անկորուստ հավաքման վրա: Մինչդեռ մեր այգիներում ամեն տարի ավելի շատ բերք է լինում, քան մենք հավաքում ենք:

Բերքի կորուստներ տեղի յեն ունենում զանազան ճանապարհներով: Կորուստներ լինում են և՛ պահպանությունը վատ կազմակերպելու, և՛ ինվեստարն ու ամանեղենը վատ նախապատրաստելու հետևանքով: Մակայն բերքի խոշոր կորուստները անդի յեն ունենում այգեբաղի, բերքի փոխադրման և վերամշակման ընթացքում: Իրա համար ել ուժեղ պայքար կորուստների դեմ պետք է մղել այս շրջանում:

Քիչ չեն դեպքեր, յերբ խաղողը քաղելիս յերբեմն դիտավորյալ, յերբեմն գործին աննոգի վերաբերվելու հետեվանքով մեծ քանակությամբ խաղող է մնում վաղերի վրա: Իրա համար ել պետք քաղի ընթացքում սահմանել ուժեղ հսկողություն և, առանձին այգիներն ու կտորները քաղելուց հետո, հատուկ մարդկանց միջոցով ստուգել՝ մաքուր է քաղված, թե վոչ, վաղերի վրա չեն մնացել վողկույցներ, և այդպիսի դեպքում՝ նորից հավաքել տար:

Գատահում են և այսպիսի դեպքեր. խաղողի վողկույցն անհարմար տեղից բռնելու հետևանքով պցում են ցած՝ թափվում են նրա վրայի պտուղները, վերջիններիս մեծ մասը շարդվում է, հոսում է շիրան ու փչանում: Շատ անգամ գետին ընկած խաղողը դժվարանում են վերցնել, մինչդեռ պետք է թափված պտուղներն անգամ հավաքել:

Այգեթաղի ընթացքում յուրաքանչյուրից պահանջվում է մեծ զգուշություն, հոգատարություն և խնամքոտ վերաբերմունք:

Սոչոր կորուստներ լինում են գույլերի և աակառների ձեղքեր ու անցքեր ունենալու հետևանքով, վորտե-

ղից շիրան հոսում է: Կորուստներ լինում են խաղողը դուլերից շալակի տակառները լցնելիս, խաղողը սայլերին ու ֆուրգոններին բարձելիս ու դատարկելիս, յերբ մարգիկ աշխատում են անբարեխիղճ կերպով, Կործին նայում են մատների արանքով և աշխատանքի ժամանակ հանդես են բերում այսպես կոչված «շփոթություն»:

Սաղողը փոխադրելիս պետք է տակառներն ամրացնել սայլերի վրա, տակը խոտ դնել, լցնել կիսատ, վորպեսզի ճանապարհին չշարժվի և չթափվի:

«Վոչ մի վողկույց, վոչ մի պտուղ խաղող, վոչ մի կաթիլ շիրա չպետք է կորչի կամ փչանա» — այս նշանաբանի տակ պետք է կատարել բերքահավաքը:

Այս տարվա խաղողի բերքահավաքը պետք է ընթանա չափազանց կազմակերպված, լավ նախապատրաստված և առանց կորուստների:

Աշխատանքների նախապատրաստման սկզբից մինչև բերքահավաքի վերջը պետք է լախ կերպով ծավալել սոցիալիստական մրցումն ու հարվածայնությունը: Մրցումը պետք է ընդգրկի կոլտնտեսությունները, բրիգադները, ողակները, անհատ կոլտնտեսականներին և մենատնտեսներին: Վոչ վոք չպետք է դուրս մնա մրցության շարքերից:

Սոցիալիստական խանդավառ արշավ դեպի բերքահավաքը:



Խմբագիր՝ Գ. ԳՐԶԵՆՆԻՍԿԻ
Տեխ. խմբ.՝ Հ. ՄՈՒՐՍՆԻՍԿԻ
Լեզվ. խմբ.՝ ԱՐԲ. ԳՐԻԿՈՐՅԱՆ
Մտքագրիչ՝ Գ.Ս.Բ. ՀԱԿՈՐԱՅԱՆ

Գրավելու լիազոր Ս.—440, Կրաս. Ձ 273, պատվեր ՆՁ 585, տիրաժ 3000
Հանձնվել է տրտադրության 1935 թ. սեպտեմբերի 28-ին
Ստորագրվել է ասպետ 1935 թ. հոկտեմբերի 3-ին

Գյուլգերատի ուղարան, Յերևան, Նալբանդյան 11

«Ազգային գրադարան»



NL0288709

4150°40 400.

20.045



П. ШАТВОРЯН
ОБОР ВИНОГРАДА

СЕЛЬХОЗГИЗ 1935 ЗРИВАНЬ